

Akordu di Pais di Skolas Publiku di Boston y Alunus

Prizensa na Inpresa

N ta autoriza pa Skola Publiku di Boston pa grava, filma, fotografa, interviista, y/ó publikamenti mostra, distribui ó publika imprimidu o na midia iletroniku nomi di nha kriansa, aparison, palavras na forma oral ó trabadju duranti anu skular 2010-2011, si patrusinadu pa pesual di skola, alunus, ó kalker algen fora di skola, inkluíndu Inpresa. N ta konkorda ki Skolas Publiku di Boston podi uza y piriti ki otus uza es trabadju sen limitason ó kompensason. N ta da autorizason pa pesual di Skolas Públiku di Boston ser livre di kalker reíndikason ki pode surji di prizensa ó partisipason di nha fidju/a na ses trabadju.

Sinatura di Pais _____ Data _____

Sinatura di Alunu (a) (mais di 18 anu) _____ Data _____

Regulamentu di Utilizason Apruvadu pa Redi di Kumunikason Inkluíndu Internet

Komu pais o inkaregadu di es alunu, N lê y un aseita Regras di Uzu Aseitavel na pajina 45 di es Gia pa Skolas Publiku di Boston y un papia sobri el ku nha fidju. N ta entendi ki asesu a konputador oferesidu pa Skolas Públiku di Boston é pa fins idukasiunal diakordu ku metas akademikus di BPS, y uzu pa alunu pa kalker otu fin é inapropriadu. N ta rekunhesi ki é inpusivel pa BPS restrinji asesu a tudu material kontruversial, y N ta responsabiliza skola pa material konsigidu na ses rede di internet. N ta entendi ki atividadi di konputador di kriansa na kaza devi ser superviziunadu pamodi es podi afeta ambienti akademiku na skola. N ta da autorizason pa nha kriansa uza rekursu di konputador na Skolas Publiku di Boston.

Sinatura di Pais _____ Data _____

Komu un alunus di Skolas Publiku di Boston, N ta entendi ki uzu di rede di skola y email é un privilejiu, nãu un direitu. N ta entendi ki nha redi di skola y konta di email é prupriedadi di BPS y ka é privadu. BPS ten direitu a asesu nha informason a kalker mumentu. N ta entendi ki administrador di BPS ta disidi ki konduta é uzu inapropriadu si konduta ka sta spesifikadu na akordu. N ta uza konputador di forma a sigi leis di Stadius Unidus y Stadi di Massachusetts. N ta entendi ki N ten ki notifika un adultu imediatamenti si N atxa material ki ta viola uzu apropiadu.

N ta entendi ki y ta sigi Regras di Uzu Aseitavel na pajina 45 di es Gia di SKOLAS PÚBLIKU DI BOSTON. N ta uza rekursu di teknulujia produtivamenti y de forma responsavel pa fins di trabadju skular. N ka ta uza rekursu di teknulujia na un forma ki ta perturba trabadju di otus. N ta intendi ki konsekuénsias di nhas ason podi inklui perda di privilejiu di konputador y/o ason disiplinari na skola sima deskritu na Kódigu di konduta y/o prosekuson baxu lei di stadi o federal.

Sinatura di Alunu/a (mais di 5 anu) _____ Data _____

Liberason di informason di alunu

Skolas Públiku di Boston ta libera kes siginti informason sen konsentimentu di pais: nomi di alunu, data di nasimentu, zona di rezidênsia, klasi ó grau, data di frekuensia, partisipason na atividadis ofisialent rekunhesidu, parti di ikipa atletiku, kursu, onra y premiu, panu dipos di liseu. Si nhos ka kre es informason liberadu sen nhos konsentimentu, marka na kaza di baxu:

KA libera informason di riba sen nha konsentimentu.

Sinatura di Pais _____ Data _____

Sinatura di Alunu(a) (mais di 18 anu) _____ Data _____

Regras di BPS: Uzu di Internet na Skola

Skolas Públiku di Boston (BPS) ta oferesi variadadi di rekursus di teknulujia pa uzu di alunu. Kes rekursu di teknulujia é pa ser uzadu somenti pa fins idukasiunal. Regras di Uzu Aseitavel di BPS ta deskrevi uzu apropiadu y aktividadi pruibidu kuandu uzandu tudu rekursu di teknulujia y produsus iletroniku sima definidu pa administradoris di skola. Ta speradu ki kada alunu ta sigi regra y kondison inumeradu, asin komu kes dadu verbalmenti pa profesor y administrador di BPS, y demostra bon sidadania y konportamentu etiku a tempu interu.



Regras di Uzu Aseitavel foi dezvoltadu ku opinion di administradoris di BPS, profesor, alunu, pais, pulisia di skola y konselheiru legal di BPS.

Regulamentu di Uzu Aseitavel di Redi, inklúndu internet: Uzu Responsavel pa Alunu

- 1. Mi é responsavel pa nha konta di konputador y nha konta di email.** N ta entendi ki palabra xaxi é privadi y ki N ka devi kompartilha nha palabra xaxi ku ningen. N ta entendi ki mi é responsavel pa tudu aktividadi fetu atraves di nha konta. N ta entendi ki mi é responsavel pa violason di lei si N tenta kaptá eletrónikamenti palabra xaxi di otu algen. N ta entendi ki é inpurtanti pa fazi “log off” di konputador na fin di kada seson pa otu uzuariu ka uza bu palabra xaxi.
- 2. Mi é responsavel pa nha linguajen.** N ta uza linguajen apropiadu na mensajen di email, mensajen online y otus komunikason dijital. N ka ta uza obsenidadi, vulgaridadi, y kalker otu linguajen inapropriadu sima determinadu pa administrador di skola
- 3. Mi é responsavel pa forma ki N ta trata otus algen.** N ta uza nha email y otus forma di komunikason responsavel (izenplu Blog, wikis, bate papu, msn, forun di diskuson, ets.). N ka ta manda o kuloka online mensajen di ódiu o persigison, fazi komentariu deskriminatóriu o deprisiativu sobri otus, o involvi na “Bullying,” persigison, o otu konportamentu antisusial enkuantu na skola o fora di skola.
- 4. Mi é responsavel pa uza network di Skolas Públiku di Boston.** N ta uza rekursus di konputador di un forma responsavel. N ka ta buska, rekupera, guarda, sirkula o mostra material baziadu na ódiu, ofensivu o splisidamenti seksual. N ka ta buska, rekupera, guarda, o sirkula imajen o informason sobri armas uzandu kalker rekursu di konputador di BPS senáu autorizadu pa administrador di skola/profesor komu parti di kulokason na skola.
- 5. Mi é responsavel pa nhs konduta na tudu siti di interneti.** N ta intendi ki kuze ki N ta fazi na site de network susial ka devi ter inpaktu negativu na ambienti di aprendizajen na skola y/o nhas kolegas, profesor o administrador.
- 6. Mi é responsavel pa ser onestu enkuantu un sta online.** N ta entendi ki disfarsandu, kumetendu fraudi, o pretendi ser otu algen é pruibidu. Kel li ta inklui, ma ka ta limita a, manda email, kria kontas, o kuloka mensajen na forun o otu kontiudu na internet na nomi di otu algen (sima testu, imajen, audiu y vidíu).
- 7. Mi é responsavel pa pruteji seguransa di redi di Skolas Públiku di Boston.** N ka ta tenta ultrapasa konfigurason di seguransa o filtru di internet, o interfiri ku operason di rede instalandu software ilegal, inklúndu kompartilha fixeru, shareware, o freeware na konputador di skola.
- 8. Mi é responsavel pa pruteji prupriedadi di skola. N ta entendi ki vandalismu é pruibidu.** El ta inklui, ma ka é limitadu a aesa, mudifika, o destruí ikipamentu, programa, fixeru, o konfigurason na kalker konputador o rekursu di teknulujia. N ta entendi ki N mesti autorizason di administrador di skola/profesor pa uza dispuzitivu iletroniku ki N ta trazi pa skola, inklúndu ma náu limitadu a.
- 9. Mi é responsavel pa respeita prupriedadi di otus na internet.** N ta obedesi lei di direitu di autor. N ka ta plajia o uza material di otus algen sen sita kuretamenti y permison. N ka ta baxa iligalmenti material prutejidu pa lei di direitu di autor, inklúndu ma náu limitadu a muzika y filmi.
- 10. Mi é responsavel pa sigi regras di skola senpri k'in publika kalker kuza na internet.** N ta sigi instruson di BPS y/o nha profesor kuandu un ta pubika trabadju di skola na internet (sima pa un site, blog, forun di diskuson, podcast o servidor di vídiu). N ta entendi ki ka é seguru pa kuloka kalker informason pesual sobri min mesmu, inklúndu ma náu limitadu a: nomi, direson, numeru di telefoni o skola. N ka ta kuloka fatus di alunus ku ses primeru o último nomi o kalker siti di internet, inklúndu ma náu limitadu a sites, blog, wiki, y forun di diskuson, sen autorizason di pais/inkaregadu o alunus (ku 18 anu o mas).

PA SABI MAS SOBRI SEGURANSA DI INTERNET DI BPS

Pa mas informason pa alunus y famílias sobri Regras di Uzu Aseitavel:

www.bpscybersafety.org

(konsulta sekson Regras di Uzu Aseitavel)